



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

120 Exemptio competens bonis ecclesiasticis est realis.

**urn:nbn:de:hbz:466:1-10316**

constituti; ita etiam eidem juri conforme est, ut iudicibus secularibus non sint subjecti. In bonis autem, quia, cum tributa, & vectigalia Regibus, & alijs Principibus ad suam ipsorum, & reipublicæ sustentationem exsolvantur, ¶ & clerici non minores operas, & labores rei ecclesiasticæ impendant; æquum, & juri naturali, ac divino consonum fuit, ut à solutione tributorum exempti essent, ut legitur *Genes. cap. 47. & cap. tributum, 23. quest. 8.*

Ideo Constantinus, & Constanti Imperatores, ecclesiasticas personas privilegio immunitatis gaudere voluerunt; scientes magis religionibus, quàm officiis, & labore corporis, vel subbre imperialem rempublicam contineri, *cap. in qualibet, 23. quest. 8. Sayr. eodem capit. 22. numer. 5. cum allegatis supra in cap. 14. numer. 9. par. 1.*

118. Hæc ¶ enim exemptione, & immunitate ad eò plenè personæ ecclesiasticæ, & eorum, ac ecclesiarum bona fructus, & redditus, & proventus gaudere debent; ut, qui per se, vel alios directè, vel indirectè, ab eisdem onera imposita exigere præsumunt, eandem excommunicationis poenam incurrant, ut in Bull. Cæn. Domini, dicto numer. 18. vers. nec non qui per se.

119. ¶ Indirectè enim exigitur, colonos, seu massarios occasione culturæ bonorum ecclesiasticorum, hospitatione militum, vel aliorum gravaminum onerando, aut ab ipsis exigendo: quia quæ à colonis pro labore, seu trafico bonorum ecclesiasticorum in totum, vel pro octava, aut alia parte exiguntur, in præjudicium ecclesiasticarum personarum percipiun-

tur, quia ratione oneris res minoris estimationis efficitur, gloss. final. in l. generalis, § final. ff. de usufruct. leg. & Olafch. decis. 83. num. 9. Unde ecclesiastici non ita de facili inveniunt rusticos, qui sua prædia colere velint, ut animadvertit Peder. de Sen. cons. 111. num. 10. in fin. quidquid contrarium teneat ibi in principio, ut validioribus rationibus, & auctoritatibus infra demonstrabitur: quia, si coloni ad onerum solutionem, seu militum hospitationem, qua non parvum onus infertur, gravarentur; laici per indirectum exigent collectas ex bonis ecclesiasticis, quæ sunt hoc casu etiam ex persona colonorum exempta, ut l. 1. & 2. C. de Episc. & cler. cap. Ecclesiarum, & ibi gloss. in verb. clericorum, 12. quest. 2. cum alijs supra, in cap. 14. nu. 6. 32. 33. & 35. par. 1. allegatis Exigentes autem, excommunicationis sententiam in Bullam Cænæ Domini contentam incurunt, ut in eadem Bull. eodem nu. 18. vers. nec non, dicto c. 14. num. 35.

120. Exemptio ¶ enim competens bonis ecclesiasticis est realis; & ideo comprehendit quoscunque colonos, ut declarat gloss. in clem. 1. in ver. excolendas, circa finem quam sequuntur Jac. & Imol. ubi etiam Abb. num. 10. Qui illam dicit esse notandam ad similia, de decim. idem Abb. in c. ex parte, numer. 4. eodem tit. & in cons. 8. numer. 3. Rot. decis. 4. numer. 1. de privileg. in antiqu. & in una Caurien. coram Cantuccio, decis. 23. num. 6. par. 2. Grat. cons. 130. cui subscripserunt Alciat. Salutiol. Bero. August. & Ianet. nu. 4. ubi pluribus fundamentis hæc conclusio comprobatur, & latè Surd. cons. 301. numer. 62. 63. & 78. volum. 3. & inquit Bald. quòd, si coloni isti gravarentur, de facto gravarentur, &

non de jure, in l. cum duobus, §. si in coeunda, ff. pro soc. & in l. 2. 3. not. C. de episc. & cler.

121 † Coloni enim ecclesiarum eorundem bonorum, nec possessionem habent, nec dominium; sed tantum detentionem, aub. item nulla communitas, & l. de his, C. de episc. & cleric. Alexand. conf. 35. viso processu, numer. 12. lib. 4. & Card. Tusch. pract. conel. jur. conel. lib. 2. numer. 1. & 2. Ideo, si gravarentur ratione fructuum, quos ex prædiis percipiunt; possent perfoluta à dominis prædiorum repetere, ut

122 Si enim † coloni ultra bona ecclesiastica, quæ colunt, habent etiam bona propria eorum nomine allibrata, pro illis à solutione onerum non excusantur, uti coloni ecclesiasticarum personarum: sed pro rata eorum, quæ proprio nomine possident, onera persolvere tenentur; & ita distinguit Rebuff. in l. 2. penes quos, nu. 2. & 3. & Bart. nu. 1. C. de agris. & cens. lib. 17.

123 Quid autem, † si imponatur onus quod publicam utilitatem respiciat, tam clericorum, quam laicorum; ut ad reparationem murorum, fluminum, restaurationem viarum, pontium, vel populum à peste custodiendum? videtur quod ratione naturali, quæ limitat legem, clerici non sint exempti; sed concurrere teneantur, non tamen cogendi, nisi à Papa, Duen. reg. 100. numer. 17. Did. Perez. l. 1. tit. 4. lib. 4. ord.

Navar. cap. 27. numer. 115. ver. tertia quod. Et ita se habere communem usum Hispaniæ, ex l. 11. & 12. tit. 3. lib. 1. nova recopil. testatur Covar. loco supra citato, & alij sustinentes dictam opinionem. Attamen etiam tributa ad reparationem marium, & fluminum, ac ad restaurationem viarum, & pontium, vel custodiendum populum tempore belli, aut pestis, à laicis impunè exigì possunt: dummodo ad hoc fuerint plures causæ sufficientes necessariæ, & non aliæ: quarum

124 Prima est, † quod immineat maxima, & urgens necessitas, ut quando hostis cum exercitu stat in agro, obsidendo civitatem, quo tempore, nec ecclesiastici à murorum, seu civitatis custodia possunt excusari: ut cunctis vigilantibus melius valeat civitas custodiri, cap. pervenit, & ibi gloss. in ver. modo, & Abb. numer. 1. 4. & 6. de immun. eccles. & in his terminis procedere possunt allegata per Olase. in decis. seu potius, consil. 68. alias 181. numer. 24. & 25. Sed, cessante hac urgente flamma belli

125 causa, clerici non tenentur: † quia limitata causa limitatum producit effectum l. cancellaverat, ff. de his que in testam. delent. & Tiraq. in tract. cessant. cau. par. 1. numer. 142.

126 Secunda, † pro reparatione fluminum, pontium, & viarum, quoties communis laicorum, & ecclesiasticorum urget necessitas, & concurrat utilitas, ut per Abb. in cap. non minus, num. 18. & Bald. in l. ad instructiones, n. 2. C. de sacrosanct. eccles. Dummodo laici non habeant particulares redditus Universitatis, ut pedagia, gabellas molendina, furnos, pascua, portus, piscationes, & similia, quæ ad particulare Universitatis commodum, & utilitatem percipiant,